

2 ár eftir gjalddaga með forgangsrétti fyrir hvers konar samningsveði og aðfararveði. Gjald dagar holræsagjalda eru hinir sömu og annarra fasteignagjalda ár hvert.

8. gr.

Brot gegn reglugerð þessari varða sektum nema þyngri refsing liggji við samkvæmt lögum. Með mál út af brotum á reglugerð þessari skal farið að hætti opinberra mála.

Reglugerð þessi sem samin er og samþykkt af sveitarstjórn Djúpvogshrepps staðfestist hér með samkvæmt vatnalögum nr. 15/1923 til þess að öðlast þegar gildi. Jafnframt fellur úr gildi reglugerð um holræsi í Búlandshreppi nr. 558/1987.

Félagsmálaráðuneytinu, 30. nóvember 2000.

F. h. r.

Húnbogi Þorsteinsson.

Guðjón Bragason.

SKIPULAGSSKRÁ

fyrir Menningarsjóð Íslandsbanka-FBA.

1. gr.

Sjóðurinn heitir Menningarsjóður Íslandsbanka-FBA.

2. gr.

Sjóðurinn er stofnaður af Íslandsbanka-FBA hf. og er heimili hans að Kirkjusandi 2, Reykjavík.

3. gr.

Tilgangur sjóðsins er að styðja verkefni á sviði menningar og lista, menntunar, rannsóknna, vísinda, tækni svo og forvarnarstarfs og líknarmála, eða annað sem stjórn sjóðsins ákveður hverju sinni í því skyni að efla tengsl Íslandsbanka-FBA hf. við samfélagið og það umhverfi sem bankinn starfar í.

4. gr.

Sjóðurinn er myndaður með samruna Styrktar- og menningarsjóðs FBA og Menningarsjóðs Íslandsbanka. Stofnfé sjóðsins er 33.394.000 kr., þar af óskerðanlegt stofnfé að lágmarki 504.000 kr.

5. gr.

Tekjur sjóðsins eru framlög frá Íslandsbanka-FBA hf. eftir ákvörðun aðalfundar bankans svo og aðrar tekjur eða framlög sem sjóðnum kunna að berast.

6. gr.

Stjórn sjóðsins skal skipuð fjórum mönnum sem tilnefndir eru af bankaráði Íslandsbanka-FBA hf. til eins árs í senn. Stjórnin skiptir með sér verkum. Undirskrift meirihluta stjórnarmanna bindur sjóðinn.

7. gr.

Stjórn sjóðsins ráðstafar fé sjóðsins og ákveður úthlutun eftir auglýsingum eða að eigin frumkvæði í samræmi við úthlutunarreglur sem stjórnin setur og taka mið af tilgangi sjóðsins.

8. gr.

Stjórn sjóðsins ber ábyrgð á fjárvörslu hans. Kostnaður við rekstur sjóðsins greiðist af tekjum hans.

9. gr.

Stjórn sjóðsins skal halda gerðabók yfir ákvarðanir sínar um styrkveitingar. Árlega tekur stjórnin saman skýrslu um starfsemi sjóðsins sem hefur að geyma endurskoðaðan ársreikning og skrá um styrkveitingar og leggur fyrir bankaráð Íslandsbanka-FBA hf.

10. gr.

Reikningsár sjóðsins er almanaksárið og skulu reikningar hans endurskoðaðir af endurskoðanda Íslandsbanka-FBA hf. og birtir með öðrum reikningum bankans.

11. gr.

Skipulagsskrá þessari verður einungis breytt á hluthafafundi Íslandsbanka-FBA hf. sem jafnframt getur einn tekið ákvörðun um að leggja sjóðinn niður. Skal þá eignum sjóðsins varið til málefna sem skyld eru hinum upphaflegu markmiðum.

12. gr.

Skipulagsskrá þessi kemur í stað skipulagsskrár Menningarsjóðs Íslandsbanka sem samþykkt var á aðalfundi Íslandsbanka hf. 30. apríl 1990, nr. 553 í B-deild Stjórnartíðinda 1990, og samþykta Styrktar- og menningarsjóðs FBA sem samþykktar voru á aðalfundi Fjárfestingarbanka atvinnulífsins hf. 23. febrúar 2000.

Þannig samþykkt á hluthafafundi Íslandsbanka-FBA hf. 15. maí 2000.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytinu, 29. nóvember 2000.

F. h. r.
Jón Thors.

Fanney Óskarsdóttir.